

L'Accademia Tradizioni Popolari Città di Tempio, con il patrocinio del Comune di Tempio Pausania, bandisce la seconda edizione di lu Premiu di Poesia Salda Don Baignu "Veldi la più alta poesia".


Per Informazioni:

*Segreteria Organizzativa Accademia
Tradizioni Popolari Città di Tempio*

Valentina Spano

347 9355204

folktempio@tiscali.it



Accademia Tradizioni Popolari

Città di Tempio

07029



*Accademia Tradizioni Popolari
Città di Tempio*



*Premiu di Poesia Salda
Don Baignu*

"Veldi la più alta poesia"

3° Edizione

*Premiu di Poesia Salda
Don Baignu
"Veldi la più alta poesia"*

3^a Edizione

Abbrì li 'éli a lu 'entu di li versi in lingua salda la Telza Edizioni di lu Prémium di Poesia, a innommu di Don Baignu Pes, cun signafficcu "Veldi la più alta poesia". Un ventu ch'aemu autu in faóri ill'anni passati dèndici soddisfazioni manni visti l'ópari chi so stati prisintati, in chissu disaffiu di poesia e lingaggju di li radici, chi li tempi d'abà e la modernitai custrìgnini in agnati sempri più srinti e cjusti, difficili di turrà a picciu. Cunvinti comu semu chi chistu sia lu caminu di sighì pal dà lu 'essu e la tratta 'justi a lu tempu a viné, massimamenti illa cultura e illa litteratura di la lingua salda, accó chi invitemu Li Poeti, prisintendi lu regulamentu nou pa' l'annu 2024 e incarissendi la mattessi Giuria di l'anni passati, presieduta da Prof. Duilio Caocci, Giuria ch'ha datu próa di competenza, professionalitai e rigóri, illu compitu di valutazioni imparziali. Chist'annu, sempri pal via di cantu paldutu pa' la pandemia, recuperemu dui anni: lu 2022 e lu 2023 comu specificatu illu regulamentu. E si lu 'entu sarà folti e garrigu di sustanza sarà, ancóra chist'annu, un prémium impultanti, un prémium d'intaressu mannu e di ricjamu, a misurà lu 'alóri e l'espressioni di la Prupposta Litteraria in Linga Salda di chistu tempu chi semu campendi, chi pidda bólu da dugna cuciu di Saldigna a rapprisintà lóchi, faéddi, tradizioni e diversitai.

(Gianfranco Garrucciu)

Regulamentu

Art.1) Lu concursu, a innommu "Don Baignu: Veldi la più alta poesia", è distintu in una única sezioni e risalvatu a l'ópari in lingua salda in tutti li so' varianti, cumprési li faiddati di lu tabarchinu e di l'algherésu, **chi àggjini riciutu lu Primmu Prémium in unu cassisia di li concorsi isulani, in rima, versu libbaru o differenti sezioni di poesia missa a concursu, vinuti a cumprimentu, la dì di la primiazioni, ill'anni 2022 - 2023.** Pa' li concorsi biennali, vali la mattessi régula e li mattessi anni di riferimentu.

Art.2) Piddani palti tutti l'ópari vincidóri di primmu prémium, maccari siani di lu mattessi autóri, chi pó aé vintu in diversi concorsi. Felma stabbilitu, però, chi un autóri pó vinci sólu un prémium, salvu diversa dizzisioni présa da la giuria.

Art.3) La trasmissioni avvenarà via e-mail alleghendi a l'indirizzi di posta eletrónica gi.garrucciu@tiscali.it e folktempio@tiscali.it un file di l'ópara cu' innommu e cugnommu e un altu cun dati personali, innommu di lu concursu, data di zirimónia di primiazioni e sezioni vinta, completa di motivazioni riciuta (Candu prisenti).

Art.4) La **data di scadènzia di lu bandu è fissata illa dì 12 di santigaini 2024. Vali la data di ricezioni.**

Art.5) L'ópari, **una e-mail pa' dugnuna, si l'autóri à più poesii di prisintà,** déni esse inviati signalendi ill'oggettu di la mattessi, l'ópara, l'innommu di lu concursu 'intu e l'annu di primiazioni.

Art.6) L'ópari no sarani turrati indarétu e l'Accadémia si risalva lu drittu di trattalli illi módi e illi folmi chi credarà più uppultuni senza dué nudda a l'autóri chi ni felma, in dugna casu, lu patronu. Paltzipà a lu prémium cumpolta l'azzittà in tuttu, lu regulamentu prisenti e dà autorizzazioni a l'Accadémia a lu trattamentu di li dati personali cussi comu dispostu da lu GDPR, Regulamentu UE 2016/679.

Art.7) La Giuria, chi dà un gjudiziu insindacàbbili, è cussi fulmata:

Presidenti: Duilio Caocci. Giurati: Domitilla Mannu, Anna Cristina Serra, Antonio Brundu, Simone Pisanu, Antonio Rossi, Gianfranco Garrucciu. Segretaria: Valentina Spano.

Art.8) Prémium: A lu primmu classificatu € 700. Sarani pó assignati, 10 sigundi prémium ex aequo, a iddi andarani € 200 dugnunu. A tutti sarà assignatu l'attistatu di paltzipazioni. Si faci prisenti chi lu vincidóri di lu primmu prémium no podarà esse vincidóri, di lu mattessi, pa' alt'e dui anni. Dugna autóri arà di ritirà personalmente lu prémium chi, diversamenti, sarà trattinutu da l'Accadémia. So esclusi li poeti chi fàcini palti di la Giuria e vincidóri di primmu prémium, pa' evidenti cunflittu d'intaressu. Mantènini, però, lu drittu a la segnalazioni, fóra concursu, ill'**Antologia**.

Art.9) Sarà pubblicata una **Antologia**, di tutti li poesii inviati, pal dà folma e sustanza a un documentu tantu raru cantu impultanti, chi accóddi li meddu bóci di la litteratura salda e chi sarà data in donu a li prisenti a la zirimónia di primiazioni.

Art.10) Li vincidóri sarani avvisati cun tempu di lu lócu di primiazioni. La mattessi felma fissata pa' la dì **14 di Natali** e inserita, comu dugna annu, illa manifestazioni di "**Lu baddu cantatu**".

**Lu Presidenti di l'Accademia
Gabriele Addis**